



WAJAH menakutkan kucing Don Sphynx dengan empat taring dan telinga runcing seperti tanduk.



ET (atas) dan gremlin dikatakan seiras Don Sphynx.

Si Manja seperti makhluk asing

Kucing dengan wajah menakutkan, tapi manja dan cerdas

BISHKEK (Kyrgyzstan): Dengan wajah seperti ini anda mungkin ingin bersembunyi di dalam rumah saja.

Rupa kucing Don Sphynx yang kelihatan seperti makhluk asing ET ataupun Gremlin menarik perhatian ratusan pengunjung dalam pameran kucing.

Kucing dengan wajah menakutkan dalam foto ini yang seolah-olah mengala-

mi hari malang dipamerkan di Bishkek, Kyrgyzstan hujung minggu lalu.

Kira-kira 100 haiwan dari Kazakhstan dan Kyrgyzstan mengambil bahagian dalam acara itu, memberikan peluang kepada pamiliknya untuk mempamerkan haiwan peliharaan mereka yang cantik mahupun pelik.

Anak kucing ini menarik perhatian dengan giginya yang berbentuk seperti em-

pat taring dan lidah merah menyala.

Dengan berkulit hitam berkedut ia menunjukkan matanya yang hijau kehitaman serta telinga runcing seperti tanduk.

Kucing kacukan ini disifatkan sebagai manja, suka berkawan dan bermain, selain cerdas.

Kucing Don Sphynx tanpa bulu berasal dari Russia. Pembiakan pertama bermula

pada 1987 di bandar raya Rostov-on-Don di Russia.

Profesor di Institut Pedagogi Negeri, Elena Kovaleva menemui beberapa kanak-kanak lelaki bermain bola sepak dengan sebuah beg.

Di dalam beg itu ada seekor kucing yang ketakutan dibawanya pulang dan dipelihara, tetapi ia membesar kehilangan banyak bulu dan kemudian melahirkan anak kucing tanpa bulu. - DM